



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj:10-33-15204-1/26

Sarajevo, 15.04.2026. godine

Na osnovu čl. 5. i 22. Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj: 52/25), čl. 9., 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22 i 21/24), Odluke Vlade Kantona Sarajevo o usvajanju Programa utroška sredstava Ministarstva zdravstva Kantona Sarajevo za 2026. godinu: broj 02-04-9997-22/26 od 26.03.2026 godine, Ministar zdravstva Kantona Sarajevo objavljuje:

Javni poziv

za finansiranje/sufinansiranje programa i projekata neprofitnih organizacija i udruženja sredstvima Budžeta Kantona Sarajevo za 2026. godinu

I PREDMET JAVNOG POZIVA

(1) Predmet ovog javnog poziva je dodjela sredstava neprofitnim organizacijama, udruženjima čiji su programi, projekti i aktivnosti iz oblasti zdravstva, a koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo, u 2026. godini (u daljem tekstu: Javni poziv).

(2) Sredstva za realizaciju po osnovu Javnog poziva osigurana su u Budžetu Kantona Sarajevo za 2026. godinu, na razdjelu Ministarstva zdravstva Kantona Sarajevo i ista će biti realizovana do utroška sredstava osiguranih za ovu namjenu.

II PRAVO PRIJAVE NA JAVNI POZIV

Pravo učešća i pravo na dodjelu sredstava imaju registrovana udruženja i neprofitne organizacije čiji su projekti, programi i aktivnosti iz oblasti zdravstva, a koji će biti realizirani/održani nakon objave ovog Javnog poziva, pod uslovom da ispunjavaju opće i posebne kriterije iz navedenog javnog poziva. Prijave za već realizovane projekte se neće uzimati u razmatranje.



1. OPŠTI KRITERIJI – potrebna dokumentacija:

- a) popunjen obrazac zahtjeva i obrazac prijave za aplikaciju za finansiranje projekta koji sadrži: naziv projekta, kratak opis projekta, ciljeve, ciljne skupine, plan realizacije projekta, trajanje projekta, osoblje i budžet (obraci se mogu preuzeti na web stranici Ministarstva zdravstva: <http://mz.ks.gov.ba>);
- b) aktuelni izvod iz registra udruženja na bilo kojem nivou vlasti u Bosni i Hercegovini, a čije je sjedište u Kantonu Sarajevo ne starije od 3 mjeseca original ili ovjerena kopija kod nadležnog organa (sud, notar, općina).
- c) izjavu ovjerenu od strane nadležnog organa o uredno ispunjenjem obavezama iz svih prethodno zaključenih ugovora o finansiranju i sufinansiranju budžetskih sredstava; ukoliko nisu ranije dodijeljena sredstva za finansiranje i sufinansiranje potrebno je o tome dostaviti izjavu (izjava mora biti ovjerena od strane nadležnog organa - sud, notar, općina);
- d) izjava da se protiv podnosioca prijave, odnosno lica ovlaštenih za zastupanje i voditelja naučnih skupova i edukacija, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisana od ovlaštenog lica, ovjerena pečatom aplikanta i ovjerena kod nadležnog organa- sud, notar, općina);
- e) uvjerenje o poreskoj registraciji - identifikacioni broj za pravno lice (dostaviti ovjerenu kopiju kod nadležnog organa sud, notar, općina- ne stariju od tri mjeseca);
- f) potvrda poslovne banke da račun nije blokiran iz kojeg se vidi broj transakcijskog računa (ne starija od tri mjeseca);
- g) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata, razrađen po izvorima finansiranja;
- h) uvjerenje od porezne uprave o izmirenim poreznim obavezama ukoliko ima zaposlenih (ne starije od tri mjeseca).
- i) udruženje koje nema uposlenih i neizmirenih obaveza treba dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje) - ne starije od tri mjeseca;
- j) program rada za 2026. godinu sa obrazloženjem i finansijski plan za 2026. godinu udruženja;



k) za podnosiocce prijava koji su nepofitne organizacije, a na koje je preneseno javno ovlaštenje internim aktom uspostavljen model dobrog finansijskog upravljanja, i kontrola u skladu sa Zakonom o finansijskom upravljanju i kontroli u javnom sektoru u FBiH ("Službene novine FBiH", broj: 38/16) način sprječavanja sukoba interesa pri raposlaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, progarama javnih potreba, javnih ovlaštenja, odnosno prižanje socijalnih usluga i sl., potrebno je dostaviti interni akt kojim je uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u FBiH ("Službene novine FBiH", broj: 38/16). Ukoliko se ne radi o udruženju na koje je preneseno javno ovlaštenje u skladu sa naprijed navedenim, potrebno je da o tome dostavite izjavu, ovjerenu od strane nadležnog organa.

2. POSEBNI KRITERIJI

Posebni kriteriji se odnose na:

1) projekte promocije zdravlja i prevencija bolesti koji se mogu odnositi na:

- rano otkrivanje i suzbijanje bolesti srca i krvnih žila i dijabetesa,
- unapređenje zdravlja i prevenciju malignih bolesti (podrška teško oboljelim i palijativna njega), - prevencija i suzbijanje bolesti ovisnosti (duhan, alkohol, droge) naročito kod djece i mladih i
- drugi preventivni projekti iz masovnih zaraznih i nezaraznih oboljenja

2) projekte socijalnog i humanog značaja koji se mogu odnositi na:

- unapređenje zdravlja i kvalitete života ranjivih skupina: djece, mladih, invalidnih lica (djece i osoba starijih od 65 godina),
- unapređenje zaštite mentalnog zdravlja,
- rehabilitacija,
- pružanje raznih zdravstvenih, socijalnih i humanitarnih usluga za potrebe u zajednicama sa manje mogućnosti,

3) aktivnost i uključivanje što većeg broja lica sa invaliditetom u rad udruženja,

Posebni kriteriji na osnovu koji ce se vrsiti bodovanje:

- Struktura ciljane grupe (npr. djeca, osobe sa invaliditetom, starije osobe, hronični bolesnici)
- Broj korisnika koji će biti obuhvaćeni projektom
- Procenat vlastitog učešća u finansiranju projekta



Dokaz o ispunjavanju posebnih kriterija za bodovanje

Aplikanti su dužni dostaviti **izjavu ovjerenu od strane nadležnog organa** kojom pod punom materijalnom i krivičnom odgovornošću potvrđuju:

- strukturu ciljane grupe obuhvaćene projektom (npr. djeca, osobe sa invaliditetom, starije osobe, hronični bolesnici i dr.),
- broj korisnika koji će biti obuhvaćeni projektom,
- procenat i iznos vlastitog učešća u finansiranju projekta.

Izjava treba sadržavati jasne i precizne podatke, te biti potpisana od strane ovlaštenog lica i ovjerena od nadležnog organa (općina/notar).

Nedostavljanje navedene izjave ili dostavljanje nepotpune izjave može biti osnov za umanjeње bodova ili odbacivanje prijave.

IV ROK I NAČIN PODNOŠENJA PRIJAVE NA JAVNI POZIV

1. Krajnji rok za podnošenje prijave je 15 kalendarskih dana od dana posljednje objave Javnog poziva. Javni oglas/sažetak će biti objavljen u dnevnim novinama – "Dnevni Avaz" i na web stranici Ministarstva zdravstva Kantona Sarajevo : www.mz.ks.gov.ba.

2. Prijava na Javni poziv podnosi se na propisanom obrascu. Obrazac za prijavu projekta za finansiranje/sufinansiranje iz Budžeta Kantona Sarajevo sa popisom priloga, Obrazac narativnog i finansijskog izvještaja i Izjava ovlaštenog lica ponosioca prijave objavljeni su na web stranici Ministarstva zdravstva Kantona Sarajevo: www.mz.ks.gov.ba, a mogu se i lično preuzeti na šalter sali u zgradi Kantona Sarajevo ul. Reisa Džemaludina Čauševića broj 1, Sarajevo.

3. Prijava sa odgovarajućom dokumentacijom podnosi se u zatvorenoj koverti na čijoj poledini je obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo ili poštom na adresu:

MINISTARSTVO ZDRAVSTVA KANTONA SARAJEVO

Ulica Reisa Džemaludina Čauševića br. 1

71 000 Sarajevo

JAVNI POZIV

sa naznakom:

Prijava na Javni poziv za finansiranje/sufinansiranje programa i projekata iz oblasti zdravstva neprofitnih organizacija i udruženja sredstvima Budžeta Kantona Sarajevo za 2026. godinu”,

u zatvorenoj koverti –

(Ne otvaraj)



Adresa: Reisa Džemaludina Čauševića 1, 71 000 Sarajevo
Tel: + 387 (0) 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

V OPŠTE ODREDBE

1. Rukovodilac davaoca sredstava imenovat će Komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22 i 21/24) predsjednik, članovi Komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, rukovodilac davaoca sredstava će, ukoliko smatra osnovanim i uputnim i iz drugih razloga koji za posljedicu mogu imati pristrasno odlučivanje i razmatranje pristiglih prijava, isključiti predsjednika, člana, odnosno sekretara Komisije za kojeg utvrdi da postoji sukob interesa, u cilju sprečavanja sukoba interesa osoba uključenih u postupak dodjele sredstava.
2. Komisija imenovana od strane rukovodioca davaoca sredstava izvršit će pregled, odnosno, razmatranje pristiglih prijava na Javni poziv, utvrđivanje liste prijava koji ispunjavaju uslove za dodjelu sredstava sa razdjela Ministarstva zdravstva KS, koja će biti objavljena na web stranici davaoca sredstava, te na osnovu zbirne liste ocijenjenih prijava izraditi prijedlog odluke o dodjeli transfera.
3. Davalac sredstava će obavijestiti pismeno podnosiocce čije prijave nisu prihvaćene u roku od 15 dana od dana objavljivanja rezultata. Podnosioci prijave imaju pravo na izjavljivanje prigovora rukovodiocu davaoca sredstava, u roku od sedam dana (7) dana od dana dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko je prijava na javni poziv odbijena kao nepotpuna, neblagovremena.
4. Za finansiranje/sufinansiranje realizacije projekata zaključit će se pojedinačni ugovori kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, način i rokove izvještavanja, neprihvatljivi troškovi koji se ne mogu finansirati/sufinansirati dodijeljenim sredstvima i dr.
5. Doznačavanje odobrenih sredstava aplikantima vrši se nakon zaključenja Ugovora o dodjeli transfera, a u skladu sa operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva zdravstva Kantona Sarajevo za 2026. godinu.
6. Sredstva odobrena po osnovu Javnog poziva moraju se iskoristiti za realizaciju projekta pri čemu se korisnik sredstava mora pridržavati važećih propisa.
7. Korisnici sredstava dužni su dostaviti Ministarstvu izvještaj o namjenskom utrošku sredstava doznačenih iz Budžeta Kantona Sarajevo u roku od 30 dana od dana realizacije projekta, sa odgovarajućom dokumentacijom, a najkasnije do 31. 01. 2027. godine. Izvještaj se dostavlja na propisanom Obrascu narativnog i finansijskog izvještaja koji je sastavni dio ovoj Javnog poziva.
8. Primaoci finansijskih sredstava za realizaciju projekata koji nisu dostavili narativni i finansijski izvještaj o utrošku sredstava za odobrene naučne skupove i edukacije za koji su imali u prethodnom periodu odobrena budžetska sredstva ili su dostavili neadekvatan

narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu, ne mogu biti prihvaćeni za finansiranje.

NAPOMENE:

Prihvatljivi troškovi - troškovi proistekli u skladu sa stvarnim troškovima izdvojenim za realizaciju projekta

Neprihvatljivi troškovi – troškovi zaposlenika (plaće), kamate na dug, kazne, troškovi sudskog spora, bankovni troškovi, trošak police osiguranja, gubici i sl.

Neblagovremene, nepotpune prijave kao i prijave bez naznačene vrste projekta, broja učesnika, trajanja, neće biti predmet razmatranja po ovom Javnom pozivu.

Za sve dodatne informacije možete se obratiti Ministarstvu zdravstva Kantona Sarajevo na tel. 033/562-106. Kontakt osoba - Sabina Tufo.



Prim. mr sci. dr med. Enis Hasanović

